

一、福德如空無有盡 求其邊際不可得  
此佛大悲無動力 光照悟入心生喜

二、清淨慈門剎塵數 共生如來一妙相  
一一諸相莫不然 是故見者無厭足

三、佛見眾生常恐怖 流轉生死大海中  
示彼如來無上道 龍髻悟解生欣悅

四、如來一音無限量 能開一切法門海  
眾生聽者悉了知 此是大音之解脫

五、一切眾生諸行海 世尊一念悉了知  
如是廣大無礙智 妙莊嚴神能悟入

六、堅固難壞如金剛 不可傾動踰須彌  
佛身如是處世間 普持得見生歡喜